

Broj: 01-04-13-02351/2026
Datum, 26.05.2026.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
Tajnik Ivan Miličević

Primijeno: 02-06-2026			
Org. jed.	Broj	Priloga	Vrijednost
05/1	-02-	168	126

Veza vaš akt br. 05/1-02-168/26 od 24.03.2026.godine

n/p zastupnik Sanel Kajan

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
dr.sci. Edita Kalajdžić, sekretarka

PREDMET: Odgovor na zastupničko pitanje, dostavlja se, -

Poštovani,

Federalna uprava za inspeksijske poslove zaprimila je dana 30.03.2026.godine akt gornji broj, koji je zastupničko pitanje, koje je postavio Sanel Kajan u Zastupničkom domu Parlamenta Federacije BiH.

Uvaženi zastupnik obratio se na adrese nekoliko organa, među kojima i Federalnoj upravi sa slijedećim pitanjima:

1. Zašto inspeksijski organi Grada Mostara nisu poduzeli konkretne mjere na uklanjanju murala koji veličaju presuđene ratne zločince (konkretno na lokaciji Rodoč bb, u naselju Ortijaš i Podhum), uprkos proteku od preko 40 dana od zvaničnih prijava i utvrđivanja činjenica?
2. Ukoliko Služba za inspeksijske poslove Grada Mostara smatra da nije nadležna za uklanjanje ovakvih sadržaja, da li su, u skladu sa svojom službenom dužnošću, ove slučajeve prijavili nadležnom Tužilaštvu BiH zbog kršenja člana 145a.Krivičnog zakona BiH? Ako nisu, zbog čega to nije učinjeno?
3. Šta Federalna uprava za inspeksijske poslove može poduzeti u okviru svog nadzora nad provođenjem zakona kako bi se zaštitio pravni poredak i spriječilo javno veličanje ratnih zločina u Federaciji BiH, s posebnim osvrtom na pasivnost lokalnih inspekcija u Mostaru, Stocu i Čapljini ?

Nakon što smo pažljivo pročitali zastupnička pitanja, utvrdili smo da je samo ovo treće upućeno Federalnoj upravi, te u nastavku dajemo slijedeće izjašnjenje:

Kada je u pitanju predmetna problematika, koja se tiče uklanjanja murala koji veličaju ratne zločince, na konkretnim lokacijama, utvrdili smo da se navedene lokacije ne odnose na zaštićene objekte obuhvaćene Odlukom o proglašenju historijskog urbanog krajolika Mostara nacionalnim spomenikom BiH („Službeni glasnik BiH“ br. 66/19, 4/20 i 1/21), te iz tog razloga, predmetno nije u nadležnosti federalnih inspektora Federalnog urbanističko-ekološkog inspektorata. Naime,

Kad je u pitanju nadležnost federalnih inspekcija u sastavu Federalne uprave za inspeksijske poslove i odnosa federalnih inspekcija prema inspeksijskim organima nižih razina vlasti (kantonalna/gradska/općinska inspekcija), napominjemo da je članom 18. Zakona o inspekcijama FBiH („Službene novine FBiH“ broj:73/2014, i 19/2017-Odluka US FBiH) definisan djelokrug rada Federalne uprave za inspeksijske poslove, gdje je u tački 5) propisano da koordinira rad federalnih inspekcija i surađuje sa kantonalnim inspekcijama, a u tački 8) da prati rad i vrši stručni nadzor i kontrolu rada kantonalnih inspektora i organa za obavljanje inspeksijskih poslova iz nadležnosti utvrđenih federalnim i propisima BiH (donesenih od nadležnih organa BiH) kojim je utvrđeno da inspeksijski nadzor provode entitetski inspeksijski organi.

Iz navedenog proizilazi da Federalna uprava, odnosno federalni inspektori u njenom sastavu, nemaju ovlaštenje da vrše inspeksijski nadzor nad radom kantonalnih i gradskih (općinskih) inspeksijskih organa, posebno kada se radi o postupanju po kantonalnim propisima.

Odnos između federalnih i kantonalnih inspekcija zasniva se na saradnji i stručnom nadzoru i kontroli kada se radi o provođenju federalnih i propisa BiH (donesenih od nadležnih organa BiH) kojim je utvrđeno da inspeksijski nadzor provode entitetski inspeksijski organi, ali isto ne daje ovlaštenja za vršenje inspeksijskog nadzora nad istima, niti nalaganja upravnih mjera, posebno u slučaju provođenja kantonalnih propisa.

Nadalje, vezano za poduzimanje mjera ove Uprave prema javnim organima u cilju sprječavanja nezakonitih radnji, ističemo da ovaj organ postupa u skladu sa ovlaštenjima utvrđenim federalnim propisima i propisima BiH, što se isključivo mora promatrati u odnosu na svaku pojedinu situaciju i materijalne propise koji određuju postupanje javnih i inspeksijskih organa.

Shodno naprijed navedenom, navodimo da u konkretnom, Federalna uprava, odnosno federalni inspektori u njenom sastavu, nema zakonsku nadležnost poduzimati ili postupati u odnosu na inspekcije nižih nivoa vlasti, vezano za pasivnost istih u vršenje radnji za koje su zakonom nadležni i odgovorni. U slučajevima, kada postoji osnovana sumnja da određene nezakonite aktivnosti imaju obilježja krivičnog djela, u tom slučaju, radi se o predmetu iz nadležnosti mjesno i stvarno nadležnog Tužilaštva.

S poštovanjem,



DIREKTORICA

Ivana Prvulović

Dostavljeno:

1. Tajnik- Ivan Miličević

2. Zastupnik- Sanel Kajan
3. Generalna sekretarka Vlade FBiH- dr.sci. Edita Kalajdžić
4. a/a